

Äok dä Koögge loäden dä Köppe hangen!

von

Heinrich Ottensmeier

Muine loäbn Noahbas un Frünne!

Niu Bind doach oalle bui lüttken wia teo vostanne kuhm'm! Datt woll eck ji oall vo acht Dagen votellen, oabba eck Bin doamedde nich teo Podde kuhm'm. Eck hadde muin'n Tall vull. – Oabbe ji hät't joa Büms oall mäaket, datt man niu mett dä Lui äok wia küan kann. – Ett was doach doll! Un leßtn Änne bäßt datt dicke Oä! Eck hadde jümma männt, datt woäa spihln wesen mett dänn Feotballe. Un buin Spihln mott doch jümma oäna voloäsen! Datt wiht't joa iuse Kinna oll un nihmt datt upp dä lichtn Schullan. Oabba dänn hääbe eck vonoahm'm, datt datt'n «Fußballkampf» was. Datt eß joa oll watt annas!

Oabba niu näomoal noan Brinke ! – Düttmoal was äok Bäoms Koal ganz Binnig un vonünftig. Giwisse hätt hoä äok vo dä Flimmakistn Bedn, oabba int «Training» vo dä naigesten Weltspihle eß hoä nich wia anträn. Nai, nich doarümme, wail iuse Jungens in Ängeland dä Buide krigen hätt, nai, hoä lahme mett dänn oän'n Flunk. Hoä hadde Bick noa dänn Russenspihle vo acht Dagen dänn Finga vostiuket. – Szui, datt kümmt doabuigge hariut! Ett eß doach geot, datt eck „paassiv“ blieben Binn! – Oabba wänn Hinnack bui dänn Doameln mett dä Kinna oall Bäo teo moade kuhm'm eß, wick müget dänn dä Jungens wall iutßoähn, wänn dä Bäo annathalf odda twoä Stunne harümmegeolacket Bänd?! – Oabba ganz uppstehken well Koal doach näo nich! – Moe Ball bleöß lüssen, watt man doa wuidahän näo van hoäat!

Un niu teo Hinnack van'n Brinke! Datt wiht't Ji joa, datt hoä'n Lichtschwängel, datt hoä wi Wuind un Fean eß! – Datt eck äok just doa wia doa upp teo Moade läobn mosse!

Hinnack haddn Ackasman. Datt hett, doa kann bui suina lüttken Goöda äok just nich van küat waian! – Hinnack Baigge dänn Brink mett Buin'n Böschungen un Oäbas mett Gräß in. „Rasen“ hett joa Bäowatt vondage. doa draff dänn äok kain Stücke Voäh upp, wänn datt Gräß äok neo Bäo lang eß! Datt mott joäde Wiken maigget waian, un datt Gräß waiat oänfach wegschmihdn un vokuhm'm loaden. – Joa, Boan'n Wisklabbn wäll Hinnack niu äok nich hääben! Un datt maket hoä nich oallain, nai, doa mott oannik Boan Goäna meddn uinge Lui kuhm'm un mott datt fäagmaken.

Noa, düsse Lui
vodoäntet joa lichte
oasse iusaoäna!

Kocht un geot, dä
Goäana hadde ßäo
ollahand
Maschuinaruigge
mettbrocht. Un oasset
niu ßäo lade was, dat
dä Bälskaruigge mett
dä Ängelännas
läosgünk, däo kamm
doch Hinnack mett
Hannchen ßuin'n
„Teewagen“ noa biuden
foöat un hadde doa an'n



langen Droah dänn Kwaddakastn ubbestoahn. Dänn foöa hoä niu vo dä
Annewoänge buin Hiuse, un dä Goäna foöa ßuin'n Auto vo dä annan
Annewoänge, un dänn günk dat Kaloöstan un Bölken läos! Oabba watt ßall
man van Hinnack ßeggen? – Dütt was näo billiga, oasse wänn hoä dänn
häogen Dachläohn bleoß vo datt Teolustan buitahln mosse! Datt ritt inne
Buian, in'n Geldbuil!

Un niu foöan Hinnack un dä Käals mett üa Maschuinaruigge upp un dahl,
hän un hea! Niu konn dä ganzen Noahbaskopp biuden mett teolustan. Un
Bäoms Änecken namm datt äok buin Wochelwoän un Hacken wah.

Biu Brikhinnack güng datt äok oalle ßäowuit ganz geot. Bloaß wänn datt
Libn un Bölken in dä Kastns oalls teo hadde woch, dänn goäbn dä Käals
Lucht. Oäast maken ßä oalle n'hellet Geßichte, un ßoä män'n, niu heddn
ßoä wall'n Schluck oadda Glas Boäa vodoänt, Oaba dänn wochen dä Käals
jümmer fluidiga un kihken stua vodahl upp üa Aboät. Joa, un teoleßt loädn
ßä oalle dä Oahns ganz hangen! - Iuse Jungens häddn dä Buide krigen!
„Teo Unrächt!“ ßää Hinnack. _

Häämkroögas Koögge krülln vondage dänn Staiat äok nich upp un loädn
dä Köppe hangen. Moe kamm oabba bäole vo, oasse wänn ßä datt maia
ümme dänn frischen Kloaban un ümme datt geo Gräß don heddn! – Oabba
an dänn Voloäsen ßal wian Russe ane Schuld suin! – Oassewänn eck datt
nich ahnt hedde!

Jiu Otto van'n Stickdoän